



Aqqalu C. Jerimiassen
Atassut

UKA 2025/22
12. november 2025

Uunga siunnersuut Nunanit allaneersut ilaat aningaasaliinermut misissorneqarnissaanut pillugu Inatsisartut inatsisaat

(Inuutissarsiornermut, Aatsitassanut, Nukissiutinut, Inatsisit Atuutsinneqarnermullu Naalakkersuisoq)

Takornartaajunnaarsimavoq nunarujussuit pissaanilissuillu nunatsinnut nunatsinnilu periarfissarpasut ujartorlugit aningaasaliinissamut qanillattortut. Piffissamilu massakkut inissisimaffitsinni aamma USA-miit aningaasaatilissuit nunatsinnut ujartuisalersimasut tusartalersimavagut.

Ilaana - nunat allat suleqatigerusullugit tamavitta suaartartarpugut, aamma sulit taanna siunertarpaat. Nunatsinni aatsitassarsiorneq angallanneq allatigullu pisariaqavissorpoq avataaniit aningaasaliisussanik suleqatissarsiorneq. Taamaattorli aamma qulakkiigassarivaat nunatsinnut aamma iluanaarutaasussamik isumaqatigiissusiortoqartarnissaat.

Aningaasaleerusussinnaasullu tamakkiisumik assagut isaallugit tikilluaqqinnarsinnaanngilagut, sorsunnersuaq qanillartortoq nunarsuatsinniit nunarput qissimineqarpoq, inissisimaffippat pingaaruteqarpoq, sikullu aakkiartornerani imartatsinni angallanneq annertusiartuaartussaavoq, Trumpillu nunatsinnik pilerinninnini sulit attappaa.

Aningaasaleerusuttunik misissuisussamik suliaqartoqartaleenissaat massakkut inatsisitigut tunngaveqanngimmat, uani siunnersuummi taanna aaqqikkumallugu Naalakkersuisut siunnersuutaat pisariaqartuusoq Atassummiit soorunalimi akuersaarparput.

Inatsisinut ataatsimiititaliamut innersuupparput.